



# UNIVERSIDADE DE SANTIAGO DE COMPOSTELA

## MODIFICACION PARCIAL DAS NORMAS DE XESTIÓN ACADÉMICA

XULLO DE 2001

Supresión do 2.3 e substitución por este

### 2.3 Impedimentos de matrícula ordinaria

**2.3.1. Alumnos que non superaron ningunha materia na matrícula que formalizaron en primeiro por primeira vez.-** O estudante que inicia estudos nunha carreira deberá superar unha materia no primeiro curso. En caso contrario, non poderá continuar os mesmos estudos no curso académico seguinte.

No caso de que un alumno volva a matricularse dos mesmos estudos despois de non estar matriculado a lo menos durante un curso académico por non cumprir as condicións do parágrafo anterior, ó final deste segundo curso de matrícula nos mesmos estudos deberá ter superado como mínimo 30 créditos de primeiro curso. Se non cumpre este requisito non poderá continuar os mesmos estudos na USC.

A pesar do disposto, se o alumno afectado polo impedimento que establece o parágrafo anterior, acredita ter superados noutra universidade polo menos sesenta créditos entre as nateiras troncais, obrigatorias ou optativas, ou as materias do primeiro curso dunha titulación poderá solicita-la continuación de estudos nesta Universidade. A súa petición resolverase consonte as regras establecidas para os traslados, e non se terá en conta o impedimento do parágrafo anterior.

A Universidade establecerá na convocatoria de matrícula un prazo para que os alumnos que se vexan afectados polo impedimento de continuación de estudos o non superar ningunha materia entre a convocatoria de xuño e setembro, poidan solicita-lo ingreso en titulacións con límite de prazos.

Para o ingreso nunha nova titulación, deberán acreditar unha cualificación igual ou superior á do último alumno admitido.

Novo

**4.4 Alumnos da USC que participen no programa SICUE.-** Deberán formaliza-la matrícula nos estudos que están cursando e nos termos que establezan os Acordos Académicos e as propostas de mobilidade da cada estudante.

4.4.1 Non poderán incluírse no Acordo Académico para matricular polo sistema SICUE as materias cualificadas con suspenso nos estudos que está a cursar na USC. Non obstante, poderá matricularse destas materias na USC e cursalas fora do programa SICUE.

4.4.2 Os coordinadores de SICUE enviarán unha copia do Acordo Académico realizado polos alumnos de cada centro ás Unidades de Xestión Académica que xestionan as

*prof. nov 2001*



# UNIVERSIDADE DE SANTIAGO DE COMPOSTELA

correspondentes titulacións, co obxecto de verifica-la matrícula que formalizaron os alumnos participantes no programa de mobilidade.

## 8 MATRICULA EXTRAORDINARIA

**8.3 (novo) Matrícula extraordinaria en materias ou disciplinas superadas.-** Os estudantes da USC poderán formalizar matrícula extraordinaria en materias ou disciplinas xa superadas cando nas mesmas se teña producido unha sustantiva modificación de contidos no programa da materia(s) que se pretenda cursar novamente.

### Norma 10 (modificación)

**10.- Prezos públicos.-** Toda-las matrículas implicarán prezos públicos de acordo co que estableza anualmente o Decreto de prezos públicos aprobado pola Xunta, para curso académico, no caso das titulacións oficiais, ou polo Consello Social, para as titulacións propias.

O pagamento da matrícula poderá fraccionarse nos prazos que aproben os órganos da USC. Os prazos e mailos importes que deban aboarse en cada prazo estableceráos a correspondente Convocatoria de matrícula que para cada curso se realice.

### Norma 13.

#### MODIFICACIÓNS PARTICULARES

**Modifícase a redación dos apartados (segundo o escrito en cursiva) que seguen consonte ó seguinte:**

Aceptarase en calquera momento a modificación de matrícula polas seguintes causas:

- b) Resolución de adaptación ou validación sempre que se solicitase no período ordinario de matrícula. Esta modificación de matrícula en ningún caso supón a posibilidade da anulación total da mesma. Asemade non se admitirá a ampliación de matrícula en materias que tivesen realizado a primeira convocatoria ordinaria de exame. Con independencia da presentación ou non, do recurso potestativo de reposición contra a resolución de adaptación ou validación, o alumno deberá formaliza-la matrícula no prazo que se lle indique na resolución.
- c) Selección de alumnos para a realización de prácticas en empresas, traballos académicamente dirixidos ou traballos de campo, logo de que formalicen a matrícula e sempre que non se presentasen a exame das materias que pretenda anular ou modifica-la matrícula. A solicitude de modificación de matrícula deberá realizarse nos dez días seguintes á formalización da matrícula ou a incorporación para a realización das prácticas en Empresas.





## 15 MATRÍCULA PARA EXAMES FIN DE CARREIRA

**Modifícase con nova redacción os seguintes apartados:**

### 15.1 Requisitos

b) (**engadir**) Este requisito deberá entenderse só respecto dos créditos que establece o plano de estudos para a obtención da titulación.

c) (**Modificar parágrafo segundo**) A matrícula deberá realizarse da totalidade das materias ou créditos que resten para a conclusión dos estudos. Non se computarán a estes efectos as materias ou créditos que o alumno matricule en exceso para a obtención da titulación. Neste caso, o alumno deberá indicar en que materias das matriculadas pretende inscribirse na convocatoria de fin de carreira.

g) (**Modificada a súa redacción co engadido en cursiva**) Están excluídos desta convocatoria as seguintes materias ou actividades académicas: os Practicum, Estadías en Farmacia, traballos academicamente dirixidos e as materias que esixan a superación das prácticas para considerar aprobada a materia. No caso de que a organización destas actividades académicas que realizan os centros sexan compatibles coa presentación ós exames de fin de carreira os alumnos poderán inscribirse na mesma se reúnen os requisitos que os centros establezan a tales efectos.

i) (**Novo**) Os/as alumno/as que se matriculen de materias ou créditos con posterioridade á realización do depósito do título non poderán concorrer á Convocatoria Fin de carreira. Asemade, tampouco poderán concorrer a esta convocatoria os alumnos que teñan superado as materias e créditos que establece o plano de estudos para a obtención da titulación.

### 15.2 PROCEDIMENTO E PRAZO DE MATRÍCULA

O alumno que desexe concorrer á convocatoria de exames de fin de carreira, deberá formaliza-la inscrición nos seguintes prazos:

Tódolos planos: no momento en que formalice a matrícula ordinaria, sendo o prazo de solicitude o mesmo que para a matrícula ordinaria.

En todo caso estes alumnos poderán acollerse o procedemento de modificación esta inscrición ata o 30 de novembro.

18.3 (**Novo**) **Expedientes con materias cursadas con posterioridade ó depósito do título.**- Para o cálculo da nota media do expediente dos alumnos que despois de ter feito



# UNIVERSIDADE DE SANTIAGO DE COMPOSTELA

o depósito do título formalicen matrícula so se terán en conta as materias realizadas con anterioridade á data do depósito sen considerar as materias cursadas a posteriori.

**51.(Engadir o parágrafo o final de ... tralo informe dos órganos correspondentes de cada centro).- Non será preciso este informe cando o alumno teña superada integramente a materia troncal. Neste caso aplicarase o criterio establecido polo Consello de Universidades para a resolución da adaptación das materias troncais.**

**DILIXENCIA:** Para facer constar, antes da aprobación da acta correspondente, que a Xunta de Goberno da Universidade, na súa sesión do día 26 de xullo de 2001, acordou aproba-la presente **"Modificación parcial das normas de Xestión Académica"**. Co Visto e Prace do Excmo. e Magfco. Sr. Rector.


Santiago de Compostela, 4 de setembro de 2001

Vº e Pr  
O RECTOR

O SECRETARIO XERAL



F. Darío Villanueva Prieto



Gumersindo Guinarte Cabada